

證治彙補

四



證治彙補卷之四

門人張金來天俊

朱亮揆綱修

上海李惺菴先生著 姪邦俊彥章

男 謨丕文

眩暈章

誥揆文仝較

大意

諸脉皆系于目臟腑筋骨之精與脉并爲系上屬于
腦後出于項中故邪氣中于項因逢其身之虛其入
深者隨日系而入于腦則腦轉腦轉則引日系急而

眩矣

經文

內因

諸風掉眩皆屬肝木內經以肝上連目系而應于風故
眩爲肝風然亦有因火因痰因虛因暑因濕者補彙

外候

其狀目暗耳鳴如立舟車之上起則欲倒不省人事
蓋眩者言視物皆黑暈者言視物皆轉二者兼有方
曰眩暈若甚而良久方醒者又名鬱冒謂如以物冒
其首不知人事也補彙

眩分虛實

虛者內外之邪乘虛入表而上攻實者內外之邪鬱

痰上結而下虛

入門

濕痰眩暈

肥白人濕痰滯于上陰火起于下痰挾虛火上衝頭

目邪正相煽故忽然眼黑生花所謂無痰不作眩也

溪丹

肝火眩暈

黑瘦人腎水虧少肝枯木動復挾相火上踞高巔而

眩暈謂風勝則地動火得風而旋焰也

溪丹

腎虛眩暈



北京中医药大学图书馆版权所有

人身陰陽相抱而不離故陽欲上脫陰下吸之若淫夢過度腎家不能納氣歸原使諸氣逆奔而上此眩暈出于腎虛也

直指

血虛眩暈

血爲氣配氣之所麗以血爲榮凡吐衄崩漏產後亡陰肝家不能收攝榮氣使諸血失道妄行此眩暈生于血虛也

直指

脾虛眩暈

脾爲中州升騰心肺之陽隄防腎肝之陰若勞役過度汗多亡陽元氣下陷清陽不升者此眩暈出于中



北京中醫藥大學圖書館版權所有

氣不足也劉純

氣鬱眩暈

七情所感臟氣不平鬱而生涎結而爲飲隨氣上逆
令人眩暈必寸口脉沉眉稜骨痛爲異若火動其痰
必兼眩暈嘈噉欲作吐狀彙補

停飲眩暈

中氣不運水停心下心火畏水不敢下行擾亂干上
頭目眩暈怔忡心悸或吐涎沫宜瀉水利便使心火
下交其眩自已彙補

外感眩暈



外邪所感者風則項強自汗寒則拘攣掣痛暑則煩
悶口渴濕則重着吐逆此四氣乘虛而眩暈也心法

晨昏眩暈

有蚤起眩暈須臾自定日以爲常謂之晨暈此陽虛
也有日晡眩暈得卧少可謂之昏暈此陰虛也純墨

死症

凡眩暈言亂汗多下利時時自冒卧亦旋轉者虛極

不治入門

脉法

肝脉溢大必眩若風浮寒緊濕細暑虛痰弦而滑瘀



乳而瀉數大火邪濡大虛極

治法

先理痰氣次隨症治

舉要

外邪和解清痰火內虛本固

標自移

入門

用藥

外邪痰火主以二陳湯加天麻蔓荊等挾風加荊防
挾寒加藁本細辛挾暑加香茹藿香挾濕加蒼朮厚
朴挾火加山梔黃芩氣虛主以四君子湯氣陷主以
補中益氣湯血虛主以人參養榮湯腎虛主以鹿茸
腎氣丸陽氣久虛遇寒必冒者桂附八味丸相火妄

動遇勞必眩者加減逍遙散

丹藥禁用

世有所謂氣不歸源而用丹藥鎮墜沉香降氣悞人極矣蓋金石助火香竄散氣多致飛越之禍豈能鎮其不歸之氣耶

附鬱冒症

鬱冒者由腎氣大虧每遇風寒卽發眩冒不仁不省冷汗時流宜十全大補湯主之

附肝厥症

肝厥之症狀如癰疾僵仆不惺惺則嘔吐頭眩發熱

宜二陳湯加柴胡枳殼甘菊鈎藤乾葛山梔生薑

附頭重症

濕氣在上頭重如山有似眩狀宜紅豆散搐鼻內

選方

二陳湯 統治頭眩屬風寒濕痰諸有餘之疾

四君子湯 治頭眩屬脾弱氣虛諸不足之症

補中益氣湯 治頭眩屬脾氣下陷清湯不朝于巔

頂

人參養榮湯 治頭眩屬脾肝血虛榮氣不克于三

陰 卽十全大補湯去川芎加陳皮遠志五味子



鹿茸腎氣丸 治眩暈屬腎氣衰弱不能納氣歸原

卽六味丸加鹿茸兔絲子石斛巴戟龜板

桂附八味丸 治眩暈屬陽氣孤浮引火歸原

加減逍遙散 治頭眩屬氣血不足肝腎相火兼鬱

者

當歸 白朮 白芍 茯苓 柴胡 丹皮

熟地 黃柏 炙甘草 或加山梔 薄荷

舒鬱尤捷



頭痛章

大意

頭爲天象六腑清陽之氣五臟精華之血皆會于此
惟經氣上逆干犯清道不得運行則壅遏爲痛

微論

內因

自外入者風寒暑濕之邪自內發者氣血痰鬱之異
玉或蔽覆其清明或瘀塞其經絡與氣相搏脉滿而
痛彙補

外候

頭腦痛連兩額屬太陽頭額痛連目齒屬陽明頭角

痛連耳根屬少陽太陽穴痛屬脾虛顛頂痛屬腎目

系痛屬肝

補藥

痛分內外

外感頭痛如破如裂無有休歇內傷頭痛其勢稍緩

時作時止

入門

痛分諸因

因風痛者抽掣惡風因熱痛者煩心惡熱因濕痛者
頭重而天陰轉甚因寒痛者絀急而惡寒戰慄因痰
痛者昏重而眩暈欲吐因食痛者噫酸發熱而惡食
氣虛痛者九竅不利惡勞動其脉大血虛痛者魚尾



北京中醫藥大學圖書館版權所有

上攻惡驚惕其脉亢腎厥痛者下虛上實其脉舉之
則弦按之則堅氣逆痛者心頭換痛其症胃腹脹滿
嘔吐酸水橐補

厥頭痛症

厥頭痛者所犯大寒內至骨髓髓以腦為主胃中寒
邪故厥逆而頭齒皆痛

真頭痛症

真頭痛者引腦及巔陷入泥丸大痛手足青冷至節
者旦發夕死夕發旦死用和外灸百會穴內進參附湯

亦有生者

脉法

寸口緊盛或短或弦或浮皆主頭痛又浮弦爲風浮洪爲火細濡爲湿滑大爲痰短濇爲虛

治法

高巔之上惟風可到東垣古方治頭痛每用風藥者取

其味輕陰中之陽自地升天者也在風寒湿者固爲

正用卽虛與熱者亦可假此引經必讀

鬱熱當清

頭痛多主干痰甚必兼火丹溪有久痛而感寒便發外

用重綿包裹者此屬鬱熱蓋本熱而標寒也因其本



有鬱熱毛竅常開風寒易入束其內火閉逆爲痛惟
瀉火涼血佐以辛涼散表

王綸

寒濕當取

濕熱頭痛心煩重滯病在膈中過在手太陽少陰寒
濕頭痛氣上而不下頭痛巔疾下虛上實過在手少
陰巨陽甚則入腎偏頭痛者先取手少陽陽明後取
足少陽陽明

準繩

用藥

頭痛若屬外邪痰火諸有餘者主以二陳湯風加羌
活防風寒加細辛藁本濕加蒼朮白芷火加山梔酒



苓鬱熱加酒浸大黃細辛芽茶風熱加天麻蔓荊又
太陽加藁本陽明加白芷少陽加柴胡太陰加蒼朮
少陰加細辛厥陰加吳萸此六經引經藥也若屬氣
虛者順氣和中湯加天麻川芎血虛者四物湯加薄
荷甘菊風熱用清空膏風痰用玉壺丸痰火用石膏
散寒濕用芎辛湯痰厥用白朮半夏天麻湯腎厥用
玉真來復丹肝虛用生熟地黃丸肝火用逍遙散

捷徑法

治風虛半邊頭痛者用白芷

錢二

黃牛腦一個川芎

錢三入

磁器內酒煮食之任量一醉睡後即愈

治寒濕